

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13) a u vezi sa tačkom III Odluke o utvrđivanju uslova i kriterija za imenovanje u regulirane organe - prečišćen tekst („Službene novine Tuzlanskog kantona“ broj: 4/12) i Odluke o izmjenama i dopunama Odluke o utvrđivanju uslova i kriterija za imenovanje u regulirane organe („Službene novine Tuzlanskog kantona“ broj: 6/12, 8/14, 12/15 i 14/15) i Odluke Vlade Tuzlanskog kantona broj: 02/1-30-8106-1/20 od 14.07.2020. godine, Ministarstvo zdravstva Tuzlanskog kantona,

PONIŠTAVA

ponovni javni oglas za izbor kandidata za pozicije predsjednika i članova upravnog odbora Zavoda zdravstvenog osiguranja Tuzlanskog kantona

Objavljen u dnevnom listu „Dnevni avaz“ od 18.08.2020. godine i u „Službenim novinama Federacije BiH“ broj: 54/20 od 7.08.2020. godine,

te raspisuje

PONOJNI JAVNI OGLAS

za izbor kandidata za pozicije predsjednika i članova upravnog odbora Zavoda zdravstvenog osiguranja Tuzlanskog kantona

1. Objavljuje se ponovni Javni oglas za izbor kandidata za pozicije predsjednika i članova upravnog odbora Zavoda zdravstvenog osiguranja Tuzlanskog kantona

- tri člana iz reda osiguranika zdravstvenog osiguranja
- dva člana iz reda poslodavaca
- četiri člana iz reda zdravstvenih radnika

2. Opis pozicije člana upravnog odbora:

Pored poslova utvrđenih Zakonom o zdravstvenom osiguranju, Zakonom o Zavodu zdravstvenog osiguranja Tuzlanskog kantona, Statutom i drugim zakonima i podzakonskim aktima, Upravni odbor donosi Poslovnik o radu i Program rada Upravnog odbora, utvrđuje Program zdravstvene zaštite koji je predmet ugovaranja sa zdravstvenim ustanovama, donosi Finansijski plan i druge planske dokumente Zavoda sukladno zakonu, odlučuje o visini, kriterijima i načinu isplate naknade koje zavod prema svojim finansijskim mogućnostima ugovara i plaća zdravstvenim ustanovama za pružanje zdravstvene zaštite osiguranim licima kao i druge utvrđene poslove.

Predsjednika i članove upravnog odbora imenuje Vlada Tuzlanskog kantona.

Mandat predsjednika i članova Upravnog odbora traje četiri godine i po isteku tog perioda mogu biti ponovo imenovani.

Konačno imenovane osobe ostvarit će pravo na naknadu za rad u upravnom odboru.

3. Kandidati koji se prijave za poziciju trebaju ispunjavati sljedeće opće uslove:

1. da su državljani Bosne i Hercegovine;
2. da su stariji od 18 godina, ali ne stariji od 65 godina;
3. da su zdravstveno sposobni za obavljanje poslova na koje se kandiduju;
4. da nisu otpušteni iz državne službe kao rezultat disciplinske mjere, na bilo kojem nivou vlasti u BiH u periodu od tri godine prije dana objavljivanja upražnjene pozicije;
5. da nisu osuđivani za krivično djelo;
6. da nisu kažnjavani iz oblasti privrednog prestupa i da im nije izrečena zaštitna mjera zabrane vršenja poziva, djelatnosti ili dužnosti;
7. da se na njih ne odnosi član IX 1. Ustava BiH;
8. da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji BiH („Službene novine Federacije BiH, broj: 70/08).

4. Pored općih uslova kandidati treba da ispunjavaju sljedeće posebne uslove:

1. da imaju završenu višu odnosno visoku stručnu spremu odgovarajućeg zanimanja, odnosno odgovarajući ekvivalent, zavisno od djelatnosti reguliranog organa u okviru koga se kandiduju na odgovarajuću poziciju, odnosno zavisno od uslova utvrđenih posebnim aktom reguliranog organa;
2. najmanje jednu godinu radnog iskustva nakon sticanja više, odnosno visoke stručne spreme na poslovima u okviru svog zanimanja;
3. da nisu članovi upravnog, izvršnog ili drugog organa političke stranke;
4. da nemaju privatni finansijski interes u Zavodu zdravstvenog osiguranja Tuzlanskog kantona i da nemaju drugih smetnji za imenovanje utvrđene posebnim propisima;
5. da nisu članovi upravnog ili nadzornog odbora drugog reguliranog organa, a ukoliko jeste član drugog upravnog, odnosno nadzornog odbora, kandidat će dostaviti ovjerenu izjavu da će po konačnom imenovanju odstupiti sa pozicije u roku od sedam dana od dana imenovanja;
6. da nisu direktor javne ustanove koja se finansira iz kantonalnog budžeta ili kantonalnog vanbudžetskog fonda.

5. Za sve kandidate koji u potpunosti ispunjavanju opće i posebne uslove iz ovog oglasa u postupku konačnog izbora uzet će se u obzir i sljedeći kriteriji:

1. dužina radnog odnosa na poslovima iz djelatnosti Zavoda;
2. veći stepen stručne spreme srodnog zanimanja;
3. komunikativne i organizatorske sposobnosti;
4. minimum znanja o organizaciji i djelatnosti Zavoda;
5. sposobnost savjesnog i odgovornog obavljanja poslova člana upravnog odbora;
6. sposobnost nespristrasnost donošenja odluka;
7. sposobnost upravljanja finansijskim i ljudskim resursima;
8. naklonost timskom radu;
9. rezultati tokom karijere.

Uz prijavu, u kojoj je kandidat dužan naznačiti za koju poziciju se kandiduje, dužni su dostaviti i:

1. biografiju, adresu i kontakt telefon,
2. uvjerenje o državljanstvu,
3. izvod iz matične knjige rođenih,
4. ukoliko je kandidat bio zaposlen ili je još zaposlen u državnoj službi, o ispunjavanju uslova iz tačke 3. alineja 4. dostavlja uvjerenje /potvrdu. Oni koji nisu radili u državnoj službi kao dokaz prilažu izjavu ovjerenu kod nadležnost općinskog/gradskog organa ili notara,
5. izjavu da nije osuđivan za krivično djelo ovjerenu kod nadležnog općinskog/gradskog organa ili notara;
6. izjavu da nisu kažnjavani iz oblasti privrednog prestupa i da im nije izrečena zaštitna mjera zabrane vršenja poziva, djelatnosti ili dužnosti, ovjerenu kod nadležnog općinskog/gradskog organa ili notara;
7. izjavu da se na njega ne odnosi član IX 1. Ustava BiH; ovjerenu kod nadležnog općinskog/gradskog organa ili notara;
8. izjavu kandidata da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji BiH (Zakona o sukobu interesa u organima vlasti u Federaciji BiH), ovjerenu kod nadležnog općinskog/gradskog organa ili notara;
9. diplomu o završenoj stručnoj spremi;
10. uvjerenje o radnom iskustvu,
11. izjave kandidata o ispunjavanju uslova iz tačke 4. alineja 3, 4, 5, i 6 ovog Oglasa, ovjerene kod nadležnog općinskog/gradskog organa ili notara.

U prijavi je potrebno navesti za koju poziciju se kandidat kandiduje (potrebno naglasiti da li se prijavljuje kao predstavnik iz reda osiguranika zdravstvenog osiguranja, ili iz reda poslodavaca ili iz reda zdravstvenih radnika).

Dokumenti priloženi uz prijavu moraju biti originali ili ovjerene kopije i ne stariji od šest mjeseci. Dokaz o ispunjavanju uslova iz tačke 3. alineja 3. „uvjerenje o zdravstvenoj sposobnosti“ dužni su priložiti naknadno samo kandidati koji budu imenovani u upravni odbor.

Svi kandidati koji budu stavljeni na listu sa užim izborom bit će pozvani na intervju. Prije intervjua kandidati su dužni popuniti obrazac sa podacima o ranijim neposrednim rukovodiocima od kojih se mogu dobiti preporuke i informacije o kandidatima i obrazac o sukobu interesa.

Kandidati zaposleni u organima državne službe koji uđu u užu izbor i budu pozvani na intervju, prilikom obavljanja intervjua dužni su priložiti rješenje kojim je kandidatu data pismena saglasnost od strane rukovodioca organa državne službe za obavljanje dopunske djelatnosti.

Prijavu sa dokazima o ispunjavanju navedenih uslova potrebno je dostaviti u roku od 15 dana od dana posljednjeg javnog objavljivanja oglasa. Javni oglas će biti objavljen u „Službenim novinama Federacije BiH“ i dnevnim novinama „Dnevni avaz“.

Prijave sa svim traženim dokumentima dostavljaju se lično ili poštom preporučeno, na adresu: Ministarstvo zdravstva Tuzlanskog kantona, Rudarska br. 72., 75000 Tuzla, uz naznaku „Prijava za ponovni javni oglas za Upravni odbor Zavoda zdravstvenog osiguranja Tuzlanskog kantona “- NE OTVARATI.

Neblagovremene i nepotpune prijave neće se uzeti u razmatranje.

Bosna i Hercegovina
Federacija Bosne i Hercegovine
Tuzlanski kanton
MINISTARSTVO ZDRAVSTVA
Broj: 13/1-30-020868-1/20
Tuzla, 09.10.2020.godine

MINISTAR

Dr. stom. Dajana Čolić